

北京圖書館古籍珍本叢刊

集部・明別集類

覺非集・翰林學士耐軒王先

生天游雜稿・戴中丞遺集・

少華山人前集・東岡集・南

齋先生魏文靖公摘稿

北京圖書館古籍珍本叢刊

103

書目文獻出版社

ISBN 7-5013-1559-0



9 787501 315598 >

北京圖書館古籍珍本叢刊
集部·明別集類

103

覺非集·翰林學士耐軒王先
生天游雜稿·戴中丞遺集·
少華山人前集·東岡集·南
齊先生魏文靖公摘稿
編者 北京圖書館古籍出版編輯組
出版 書目文獻出版社

(北京文津街七號)

印刷 北京大興古籍印刷裝訂廠
定價 叁百壹拾圓

ISBN 7-5013-1559-0/Z·262

目錄

覺非集	十卷		一
翰林學士耐軒王先生天游雜稿	十卷		二四九
戴中丞遺集	八卷附錄一卷		三四七
少華山人前集	十三卷後集九卷		四五—
東岡集	十卷		六七—
南齋先生魏文靖公摘稿	十卷		七七七

覺非集十二卷 明東莞羅亨信明原刻本

阮通志云明志卷數同黃通志作十卷

邱濬序略曰覺非集者故嘉議大夫都察院右副都御史羅公之詩文也公為文和平澗雅類其為人尤喜為詩其詩不事鍛鍊用眼前語寫心中事諷詠之可以知其心中之洞達明白無城府町畦也公之子泰京集公遺文得若干卷用公別號名之曰覺非集因其從子平京師求予文序其首

四庫書目提要亨信字用實號樂素東莞人

永樂甲申進士官至左副都御史亨信居諫垣有直聲其巡撫大同宣府值英宗北狩捍城有功自甲著述每不留稿是集乃其後人收拾散逸而成邱濬和順為之詮次其中頌美中官之文至十餘篇編錄者略不刪次殊不可解也

樂素羅公覺非集序

覺非集者故通議大夫都察院左副都御史羅公之詩文也公諱亨信字用實號樂素羊城之東莞人登永樂甲申進士第擢給事中以事謫交趾未幾起爲監察御史陞僉都御史常奉

璽書巡撫甘肅寧夏而在大

上四一

同府爲最久功績著茂而請築土木城堡宣府城二事尤爲卓偉致其事以去卒於家也久矣士大夫習知邊事者到今尤嗟公之

上四二

先卓識以爲不可及噫向使土木早如公言築城則車駕有蒞止之所則後來決無北狩之禍宣府不用公策棄城則京師失藩屏

之固則將來或有南牧之
患公之有功於

國家也如此及公卒有司惟
故事而已可勝歎哉公爲
文和平溫雅類其爲人而

五序三

尤喜爲詩其詩不事鍛鍊
用眼前語寫心中事諷詠
之可以知其心之洞達明
無城府町畦也公之孫珙
襲集公遺文得四百五十

餘首用公別號名之曰覺
非集來

京師求予文序其首嗚呼
公豈待此詩文而顯於世
哉

五序四


山
岵

成化四年歲舍戊子夏四
月中澣

奉訓大夫翰林院侍講學士
修

國史總裁

經筵官瓊臺後學丘濬識



序

覺非集序

論文章者當論平生歐陽
永叔謂魯公書借使不工
世必珍之以其人可重也
噫論文獨不然乎余讀鄉

序

先達樂素羅公所著覺非
集未嘗不歛衽起敬世有
知其人則必珍其文矣集
中古詩歌行律絕共二百
餘首序記名贊雜文共一

百九十篇公平生著述雖
多恒不畱藁其孫珙收拾
於散逸之餘僅得斯耳於
乎公平生之手澤於斯存
焉精神心術於斯寓焉學

郝序二

問道德於斯考焉是集其
可少哉公生東莞士族毓
奇挺秀才器異常登永樂
甲申進士釋褐爲給事坐
累謫交南復被薦爲監察

御史陞僉都御史參贊甘
肅戎務復遷左副都御史
巡撫大同宣府引軍致政
壽八十有一而終平生善
政最多而鎮邊尤著勞績

郝序三

所至實儲蓄恤軍士修城
堡嚴武備邊境帖然正統
己巳北 犯大同遠近疑
懼公居宣府卒無他虞其
忠義勳王

朝廷知之士夫壯之逸人惡之可謂名世之英傑者也文章固其餘事然世之能是者幾何人哉而稱其文當不在顏公書法下是宜

祁序四

珙之裝演珍襲以傳後人也昔魏徵爲唐名臣其簪笏至裔孫暮僅有存者文宗猶以甘棠比之矧文章載道之器視簪笏孰輕而

孰重耶雖無老成人尙有典型三復斯言敬爲之序

崑

弘治五年秋七月之吉


賜進士中順大夫江南布政

祁序五

司左參政改知貴州石忬

府前戶部郎中

賜一品服同邑後學祁順書



覺非集序

余薄遊東粵時與寶安祁子爾嘉相晤對嘗偕其子壻文學羅哲來謁余道及伊祖樂素羅先生爲前朝

載序一

御史中丞由進士起家歷諫垣陟都憲直聲偉烈著聞當時旣而出其遺藁覺非集問序於余余展卷旁皇歎先正典刑於茲未墜

廼拜手而言曰昔叔孫豹

之論三不朽也曰立德立功立言夫太上固貴立德至于名世偉人因時著績手持國是道濟生民厥功

載序二

偉焉卽出其緒餘論列天人俯仰今古上而陳謨作誥黼黻皇猷次而賦詩論文揄揚風雅皆足以傳當世示來茲與盛德大業並

高千古所謂不朽者於是
乎在今觀覺非集知先生
遭逢盛世躋列崇階恆以
忠君愛國之心爲致治保
邦之計履常蹈變皆能謀

戴序三

出萬全如正統土木之事
衆議惶惑將棄城而奔先
生時鎮宣府仗劍當門捍
危城以安京邑功在社稷
迄今猶彪炳史冊也至其

著作博大周詳不入風雲
月露之習其光明俊偉之
槩大抵文如其人夫功德
之表也言德之章也先生
立功如是立言如是總由

戴序四


生平忠孝之德發爲勲業
文章用躋三不朽之列噫
何其盛哉是集行世垂二
百年自閱滄桑遂令揭日
挾天半付殘篇斷簡今其

孫哲念先烈之昭垂恐遺
文之湮沒重付剗劂以懸
國門譬之龍泉太阿或迷
塵土而光燭斗牛之間自
有不可磨滅者如是而先

戴序五

生之言傳先生之功與德
因之愈傳先生之爲先生
豈非與天壤同不朽哉並
質祁子當不以余爲阿所
好也

姚江後學戴錫綸誤



戴序六

覺非集卷之一目錄

序

送太守徐公之任潯州序

贈左都督楊公出鎮朔方序

贈永寧伯譚公榮陞序

慶戶部右侍郎劉公榮陞序

贈戶部右侍郎劉公榮陞序

贈戶部右侍郎沈公榮任序

賀總戎武進伯朱公朝京榮回序

覺非集

卷之一

一

慶後軍都督僉事石公榮陞序

慶鎮守大同太監郭公受印序

賀鎮守大同太監郭公朝京受恩序

慶鎮守大同太監郭公壽誕序

有詩

又慶鎮守大同太監郭公壽誕序

慶鎮守宣府少監趙公壽誕序

有詩

壽總戎武進伯朱公六十一序

有詩

又慶總戎武進伯朱公六十一序

賀梁餘慶公七十一序

送鎮守大同太監郭公歸鄉葬親序

送奉御馬公省墓序

送趙廷傑省親還洮陽序

贈錦衣衛百戶致仕郭公榮歸序

送同利邑幕賓黎公赴任序

送俞克大赴吉安郡學司訓序

送司訓王廷贊先生之任序

送王生廷翔還會稽序

贈肇昌府醫學正科張翼彥昭序

覺非集

卷之一

二

送金河禪寺住持靜海朝宗入院序

贈大機顯禪師主清泉寺序

贈玉峯璟上人榮授都綱序

羅浮誌序

贈增城大尹諶公琴堂春曉詩序

贈周誠宗兄蘭軒序

贈湯仁厚翠筠軒詩序

贈陳觀祖蘭溪漁隱圖序

贈雲巖書舍圖序

追封景城伯馬公挽詩序

處士吳文德翁挽詩序

凝然禪師挽詩序

覺非集

卷之一

三

覺非集卷之一

東官羅亨信用實甫著

同邑祁順致和甫

編

瓊海丘濬仲深甫

序

送太守徐公之任潯州序

郡守之任古慎其選誠以生民休戚之所關政治得失之所係非才德兼優政體明達之士未足以膺其任也故漢宣帝嘗曰使庶民安於田里而無愁歎之

覺非集

卷之一

一

聲者政平訟理也與我共此者其惟良二千石乎凡有治效輒以璽書勉勵或增秩賜金公卿有缺選以補用唐太宗亦曰為朕養民惟在都督敕史疏其名于屏風善惡之跡皆註於下以備黜陟其職之重信可知矣 聖朝因之郡各置守秩視古則貴責在今尤嚴擢任之際必精其選而得人之效尤盛以致政教修明黎民於變熙熙乎三代之風也嶺南陽江徐公某世為衣冠宦族讀書登第代有聞人公少佩庭訓積學有文由太學上舍生擢浙江紹興府同知九

載秩滿課最天官今年久陞授廣西潯州府知府擁
節戒行其友洗均子名等來徵予文以送之予惟駕
扁舟以濟巨川必先理其帆舵則風濤無所虞御良
馬以馳峻坂必先固其六轡則險阻有所備今出守
太郡而爲千里之師帥得不思善其德政仁其撫綏
以慰一方之望哉况潯爲八桂偏郡往來醜類負險
竊發無時公之往也誠能如龔遂之治渤海革刀劍
而爲牛犢化小人以爲君子庶不負爵秩之榮責任
之重也然而公以才諳釋褐郡佐已能平其政德其
覺非集 卷之一 二

民矣茲行但推所以佐紹興者以治潯將無所施而
不得無所往而不化又何患強梗之不治禮義之不
興乎他日政績著聞榮膺 賜金之寵或補公卿之
任俾功名節義與古人並垂于史冊則龔黃不得專
美于昔矣公其勉之姑書此以俟

贈左都督楊公出鎮朔方序

古今論邊將之禦戎□恒以守而不失爲賢窮兵黷
武爲戒其故何也夫將者生民之司命國家安危所
係庸戰猶思審察天時地利量敵而進况于□□如
鷹準之輕豺豕之突容可不自重以輕舉浪發哉故
曰守而不失者爲賢也昔李牧之居雁門惟享士卒
習騎射謹烽火寇小至則收入保以此人無亡失邊
得田畜士得休養一旦寇大至人皆奮勇破□□十
餘萬使□不敢再窺北邊無事殆且十年蓋牧不貪

覺非集

卷之一

三

小利不邀近效曰眞良將得守邊之術也趙充國之
禦金城至謹至重阻用兵深入之議上屯田便宜之
計長轡遠馭縻以歲月士卒不勞而羗戎自破蓋國
圖事揆策惟用常勝之兵曰眞智將可爲萬世法也
彼貪利邀効躍馬撫劍僥倖以取勝亦奚足用哉仰
惟 天朝 列聖繼統於凡命將分閫必遴德望老
臣優於猷畧者然後任之崇其宴勞授以成算 陛
辭之日又戒以誅伐必當毋妄戮于無辜勿窮追以
墮計此誠古昔聖賢好生惡殺守而不失之宏規是

以海內晏安政化熙洽幾百十年於茲矣丁卯之秋
上谷關將告缺 上命後軍左都督楊公佩鎮朔將
軍印總戎於斯朝野咸曰公篤厚沉勇誠無忝茲任
蓋公自少出戍開平由百夫長屢策殊勳歷陞都府
授遊擊將軍鎮於蜀威耀北塞二十餘年其於天時
地利邊情 勢靡不身歷而熟悉之至於古今將帥
之賢否撫士保民之恩信亦皆究于心而見諸施設
矣舉茲而措夫何有焉登闕之日上自元僚藩翰下
及戎伍耆夫舉相慶曰我公之來其將推惠以及一

覺非集

卷之十

四

方歟又將去殘暴以安鰥寡歟商賈怵於市行旅歌
於途於是統鎮右少監灤陽趙公請文爲贈予以猥
老出巡塞北於政雖無所裨亦惟欲邊境清寧兵民
咸遂故既序賢將禦守之跡于前而願望于公者又
豈無其說乎邊備未嚴兵甲未利亦思何以整飭之
恩澤未敷貧弱尙困亦思何以宣布而矜恤之則名
興日彰人皆激勸一旦寇至以我逸而待彼勞一鼓
可破俾不敢再覲塞垣疆宇有萬年磐石之安公亦
永享爵祿于悠久矣若徇小以遺大見利而忘害則

非禦邊之長策公無取焉又曰鄧禹爲將不妄殺一
人後封高密侯子孫爲公者二人侯二十九人大將
軍以下十三人二千石十四人列校二十二人州郡
牧守四十八人其餘侍中將大夫郎謁者不可勝數
貴顯累業其盛矣哉向聞公凡出戰必戒將校勿窮
追無妄殺存心與禹蓋無異矣子姪甥姪見居都帥
揮使千百夫長所鎮者無慮數十人其來方駸駸而
未艾加之奮勵將見功愈高爵日厚進封侯伯子孫
濟美如瓜瓞之興彌遠而彌盛史傳續書與禹比績

覺非集

卷之一

五

俾天下後世誦之詎不偉與於是乎序